

杭州府志
(乾隆)
六

杭州府志卷十九

公署二

杭州府署

在豐甯坊竹園山漢以來皆治於武林山

州成化杭

隨

開皇九年建杭州治於鳳凰山柳浦西唐因之

康熙通志李華記

唐虞之代四岳十二牧分掌諸侯宗周有方伯連帥之職秦有監
 郡漢魏以還初曰部刺史後曰州牧近代罷州牧復為郡太守太
 守刺史無恆稱其職同九卿假以符節雖親如魯衛貴若周召任
 切安人往往除拜天寶中朝廷以尚書郎人物之高選二千石治
 元元之性命始以省郎臨大部若密邇京師或控壓衝要萬商所
 聚百貨所殖將擇良吏重難之杭州東南名郡後漢分會稽為吳
 郡錢唐屬焉隋平陳置此州峴喉吳越勢雄江海國家阜成兆人
 戶口日益增領九縣所臨莅者多當時名公宋丞相劉侯射崔尚
 書許謨大政其間劉尚書裴給事之盛德遠業魏左丞蘇吏部之
 公望遺愛在人韋太原崔河南劉右丞侯中丞節方隅有事己
 來承制假權以相國元公旬朔之間生人受賜由是望甲餘州名
 士良將遞臨此部况郊海門池浙江三山動搖於掌端靈濤曠激

於城下水牽并服陸控山夷駢檣二千里開肆三萬室近歲災沴
 繁興寇盜連起百戰之後城池獨存王師雷動元惡授首乳哺疲
 人分命賢哲詔以兵部郎中范陽盧公幼平為之公體仁而清直
 方簡亮文以輔德武以靜人澄沈有清江之姿巖峨有秋山之狀
 磨幢戾止未逾三月降者遷忠義歸者喜生育旌次讓利轅門無
 聲人咸曰休哉以卿佐之才遵王澤敷德政吾見其為公為侯福
 履宜之未見其極也刺史冠服印綬甲令載之故不書
 詞尚體要古史之遺也永泰元年七月二十五日記 吳越錢氏

卽州治建國至宋納土以其國為州治高宗南渡改為臨安府因

築行宮於鳳凰山遂徙府治於今所嘉靖志元至元十三年改臨安

府仍為杭州十五年立杭州路總管府元史志大德三年重建翼以

兩縣松鄉文集任士林重建總管府記杭州郡自五代迄今不

萬家舊以兩縣置城西北兩隅以聽城以外之治四錄司分置城
 四隅以聽城以內之治然後受命於郡府郡府擁行省之垣聽外
 詮者列四道聯外事者羣有司傳宣之使日來貢享之夷日接五
 方人聚地轉煩劇郡府方疲於奔命兩縣四隅之治漫不得梳理

固其宜也今大參梁公為杭之明年始上圖省府乞以郡治之隙
地翼近兩縣直視四隅使皆在大閩之內將以考成治焉既而郡
侯廉公希哲幹勤公好古實來識畫規度視梁公為有合郡民吏
翕然響從鋸斧之工版築之子執器備用來會庭下始廳事中黃
堂幕府旁吏舍臚列戟衛之門休眺之樓棟宇一新左翼仁右翼
錢暨四錄事中唐隅列東西門入坐各南向繚以周牆揭以表樹
視聽聳慄有壯且麗經始於大德二年訖工八年六月有弗集者
郡侯札忽歹兒移刺忽都與郡貳而下實完成之於是大夫人士
僉曰治有劇易操其簡則易從聽無比遠篤其近則遠舉杭今為
郡既劇且煩郡長貳坐堂止屬城之吏日趨於庭一公交孚萬慮
明白緩急傳呼不出宴坐示儀表景速於唯俞顧不
在轉移間乎然事大規宏更三政始有成皆宜書

至正間總管

寶珂重修

劉基杭州路

明洪武初改路為府即舊址以建府治

嘉靖

志徐一夔府署建思政堂記姑蘇阮竹友先生剛介有守隱居

南陵之野績學累行不求聞於人鄉評所及稱其賢者如出一口

洪武十五年春天子發幣聘起天下賢士講求治道時應詔者肩

摩踵接先生亦與焉旅見於天子之廷既而遣還以待命今年六

月勅旨及門先生既拜命不俟騶從以一童自隨擇日上官視事既逾

月自念一介之微而受國家一郡之託其何以報有公靡一區在
 府治之後深奧靚密郡守退食之所也先生善楷書乃大書思政
 堂三字揭於兩楹之間其意以政有所未逮則於此而致思焉且
 屬余記之余告之曰思之於人大矣天下之事未有不思而得者
 周公之聖一有不得於心猶且仰而思之夜以繼日况衆人乎杭
 為郡領縣九地大物衆昔稱爲都會雖錢穀之入於大農者差劣
 於他郡而五方之民所聚貨物之所出工巧之所萃徵輸之所入
 實他郡所不及一或不得其平並緣爲姦者衆弊如蠶午不可勝
 言欲平其政如之何弗思夫心之官則思思則智慧生是非得失
 判然於胸中先生致思於退食之地厥有旨哉嘗觀昔之爲郡於
 杭者莅官之暇多營建以寄其高曠之情唐白太傅之虛白宋梅
 龍圖之有美蔡端明之清暑是也今先生莅官之初不暇締搆乃
 獨以思政名堂推其志之所在視白之虛
 白梅之有美蔡之清暑執勞而孰逸哉
宏治十六年知府楊孟
瑛重修 楊孟瑛修府治記宏治壬戌冬予自刑部中出守杭州及
 玃視囚繫又明日如庫藏視貨財率皆風簷雨棟猶門堂也惕若
 興懼莫知所處已乃自謀於心寓吾所居未甯吾民敢圖自甯
 門若堂居所瞻吾弗德民弗瞻緩可也若乃狂狴弗飭校械無守
 庫藏弗密奸慝靡防弗亟改作殆有不可將撤而新之顧政未通

洽祗自取譏躋踏前卻者又兩月復謀之二守杜君克善通守蜀
 君兆文阮君進之辭君德充節推蕭君信之咸請勿疑遂狀其事
 告於巡撫夏公邢公高公皆廉知郡事廢甚報曰可其聽取資於
 公帑未幾今巡按謝公繼至郡復以白公尤督其亟時余初事
 屬杜君董役君起家進士尹涪州擢今官修慎通敏擢節費出懲
 勸情勤具有紀律而需材則錢塘尹劉謀仁和丞曹銘經始於二
 月四日閱十一月訖事余偕諸同官祀營室落之表觀望啓閉爲
 重門爲楹間者三度版籍藏貨財爲府庫爲楹間者亦三罪有重
 輕故獄有內外爲楹間者五十有八羨材無所口委於是貫堂之
 後以延賓客而守所寓與二守所視事廳咸更新之若公堂齋所
 經歷照磨二署勞重費鉅懼亟則併發皆以石治壁以甃而已周
 垣之繚如苞所費公帑千六百緡有奇用人之力稱是費出不翅
 千金任輦負戴苦辛千狀傷國之
嘉靖二十年知府陳仕賢築親
 財勞民之力吾隱吾憂誰則知之
賢館 吳鼎府署親賢館記嘉靖二十年冬十有二月杭州太府福
 清陳侯築館於中門東偏以爲客次云先是鄉大夫若士及
 四方賓旅以事詣郡非得乘車騎入庭中者率懷刺立候門下自
 門步抵後堂主人送客亦步自後堂出大門之外往來無慮數百
 武賓主俱勞以是撤小齋之材闢館於此賓至徐趨就坐於次主
 人降與爲禮行道適均室密而情洽榜曰親賢館有以也夫或說

陳侯曰親賢美名也顧計有未便焉杭故東南一大都會臺察省
 憲之所蒞丞佐部掾令長而下之所關白四封之內九縣之民錢
 穀獄訟之所輾聚惟日不給而暇從賓客游談耶且以二千石之
 體可以市寵可以干澤款門而求通者豈必賢者非有求於君則
 廷君爾故世之善宦者嚴闕城府豫戒其門下謹謝客勿通設詞
 為解惟患避客之弗深耳今遷次而就之客且杳來毋乃自困乎
 侯曰不然見賢而不親是無禮也親非其賢是不明也吾惟不明
 與無禮是懼奚恤其他且吾聞之士趨而見諸侯為好勢諸侯趨
 而見士為好德仕賢雖不敏請從好德之義郡人吳鼎聞而善之
 再拜請記夫詩詠緇衣易謹下交豈非以親賢有益於人國哉彼
 曹參治齊避正堂以舍蓋公公孫宏相漢亦開東閣以延賢人知
 賢之不可慢也其後縣令不揖客郡守不迎師遺風蔑如矣今明
 府破俗吏之見而惓惓禮賢下士
 為務斯館之建亦猶行古之道與

崇禎五年燬

萬曆志

國朝康熙十三年知府嵇宗孟重建二十四年知府馬如龍因川

堂久廢重建顏曰越石堂雍正八年知府喬世臣重修正廳為蘇

白堂

按舊為宣化元改體仁馬如龍改今名

前為露臺為甬道為戒石亭為儀門為

東西廊爲架閣庫儀門東爲經歷署西爲照磨所正堂之後爲川

堂爲有美堂

成化杭州府志宋守梅摯建蔡襄書名勝志在吳山頂今改故址不存而府治後堂尙仍其名按今有美

堂屏門鐫刻歐陽文忠公有美堂記文於其上

又後爲知府宅題曰清惠公署內爲敬事

堂左有琴鶴堂後有樓曰極高明內署東爲土地祠祀宋蘇文忠

公正堂之東爲清軍同知廳後堂西北爲資盈庫爲理事同知廳

爲水利通判廳東西廊後暨清軍廳東皆吏舍儀門外東爲親賢

館爲司獄司官吏廨大門外爲坊一前臨河上跨石梁曰宣化左

右石坊二東曰親民西曰平政

雍正通志

乾隆四十年知府噶爾弼善

重修四十二年知府邵齊然重葺景蘇亭

邵齊然重葺景蘇亭記杭州府治故有景蘇亭

余承乏知府事葺而新之重復古也杭州太守多矣而蘇文忠獨著文忠去今幾六百年矣而杭人思慕者久而不忘治績之流傳

豈不以其人哉頃余修府志博採舊聞凡夫六橋三竺名勝之區
 與夫天目徑山玲瓏峯嶸諸山之在屬縣者自經文忠之標題而
 山川若為之生色至今士大夫猶稱道弗衰未嘗不歎前哲之風
 流輝映為不可及也方今我聖朝整飭吏治有司奉詔書從事
 期於化俗而宜民使僅以模山範水為景仰蘇公之蹟豈所以導
 揚德意哉考宋史及咸淳臨安志文忠在杭州開濬西湖興治水
 利成永久之利其他折獄明允賑災卹民諸政俱可為後世之法
 蓋實有迴勝於前後諸太守者宜乎杭人之稱道者莫如蘇公而
 太守所當景仰者亦
 莫如蘇公也乾隆志

嘉慶十八年翁方綱撰有美堂後記知府嚴

榮勸於石

翁方綱有美堂後記昔歐陽子為梅公擊作記以游覽
 之勝歸於斯堂愚竊非之梅公取賜詩地有湖山美之

句以名其堂而歐公實切杭湖言曷為而非之乎君子於友宜擇
 所當務者以告之錢塘湖山之美則一語足矣何賴乎作記為斯
 記者宜舉習俗之工巧邑屋之華麗悉衷諸質樸而勉以勤儉持
 以純厚然後所謂富完安樂者貞之於永久必如是以言所有者
 有風俗之美焉又言臨是邦者選公卿侍從之臣因而召賓客占
 形勝此則宜導以早作夜思黜貪舉廉懲奸剔弊釐案牘以靖閭
 閻防微而燭隱必如是以言所有者有吏治之美焉杭人文藝甲
 於東南往者浙西文匯紫陽院課諸編多尙華縟是宜崇經術使

士皆研精傳注不苟爲炳烺之觀然後風會益趨於醇實必如是
以言所有者有文草之美焉歐陽子豈不知此而徒娛意繁華之
是稱耶今則官清而政平士務學而民安業胥入於聖天子綏
和燾育之中使歐陽子居今日其文當不如彼矣吾友嚴子少峯
卽歐陽子所謂清慎好學者也故竊舉
又於堂後闢讀書廬

詩序 咸豐十一年經亂燬同治四年知府薛時雨重建

署記兩浙爲東南巨藩領郡十有一而杭州居其首襟江帶海環
以湖山形勝甲天下廣輪修袤數百里較他郡地大自古號稱難
治督撫藩臬諸司建牙開署鱗節於杭軍需之絡繹徭役之紛繁
悉於杭是賴自來任斯土者若唐之李長源白樂天宋之范希文
蘇子瞻類能興利祛弊布德施惠自茲以來承平日久生齒浩穰
未免崇侈競靡歐陽修有美堂記云邑屋華麗蓋十餘萬家由後
觀之豈直此而已哉庚申辛酉粵匪豕突擾我疆土岷峨大郡兵
燹毀傷泊皇上帝宇之三年宮保左公方伯蔣公統帥克復龜
翦羣醜撫卹災黎凡戢軍鋤暴繕城濬河修學宮建貢院以及大
小公署壇廟書院次第具舉政既克修民以大和時雨恭承恩
命來守是邦而府署舊基盡毀於兵守土宣化首善之區亟謀鼎
新於是方伯籌貲屬吏董作之自公堂宇廡賓館燕寢及廊

廡庖福筭庫狴犴之所罔不興庀材鳩工經始於同治三年十月
 二十七日落成於四年閏五月二十五日不斂財於民不困工於
 役而宏其舊制增其新觀非承大憲修廢補墜之後曷克臻此署
 址在城西竹園山宋紹興元年自鳳皇山徙此數百年來旋圯旋
 修而民居自來曩集朱門華屋一覽在目今則赤磔青榛城雉齒
 齒戶口凋効視昔時十不及二焉然則斯署之建其非徒列堂皇
 壯觀瞻之謂其謂撫茲版籍當思為之經理為之教化為之休養
 生息於民力則寬之於物產則阜之於豪猾則鋤之於頹風澆俗
 則培之於苛賦煩政則蠲之於孝弟廉潔之士則作新之勤勤懇
 懇豈意拊綏不視斯署為傳舍而務使生民之利病策於斯軍旅
 之賞罰參於斯賓客寅僚之好會接於斯慨然於盡職之不易勉
 以副各大憲痼瘵在抱之心上酬 聖天子慎簡守令之至意或
 者可無愧於唐宋刺杭諸循吏如鄴侯白傅文正玉局其人乎古
 人云守令之賢否編氓之榮悴係之諒哉斯語因揭於石以自勗
 並以勗我後之長斯民者是役也方伯蔣公挈其綱其營造
 諸役則惟承辦委員前署府照磨注貳尹承書之力為多焉

六年

知府譚鍾麟又建署東土穀祠祀白蘇二公九年知府陳魯添建

發審廳并川堂迴廊光緒三年知府龔嘉儁重修署大堂為平政

堂再進爲有美堂堂左爲發審廳堂右爲交翠軒修竹迴廊蒼翠交蔭又進爲儀門厯階而上爲虛白堂堂右書室四進以居幕客後爲內宅顏曰鳳凰山館又後有樓卽舊題極高明處也有美堂後爲花廳豐石濬池花木叢蔚顏曰梧月松風又後爲丹桂軒甃井通池清潔如鑑同治十二年重建理事同知署水利通判署餘若司獄經歷照磨各署及監房均於五年先行建築吏舍科房規模悉如舊制惟同知署於道光間移置不重建

府署
檔

理事同知署 在府堂西舊爲理刑推官廳明萬厯初推官王涖改碧蓮館爲之

國朝康熙六年奉裁推官改爲理事廳

雍正通志

專管旗民交涉事務

咸豐十一年經亂燬同治初僦民屋爲署十二年同知岳齡重建

新纂

捕盜同知署 舊名清軍總捕同知在府二門內東中爲理法堂

左右爲吏廨後爲川堂爲退思門東爲土地祠進內爲宅門爲衙堂曰比義堂後有樓爲寢室爲耳房東爲書廳雍正八年同知李

飛鯤捐葺大門外有郡司馬坊

雍正通志

嘉慶間移建於鬪富三橋西

梅花碑之北咸豐末經亂署幸存同治初省垣克復暫爲仁和縣署增建平屋五年縣署重建移復舊治榜其門曰總捕同知署九年重修光緒四年同知趙凌漢重修三十一年同知孟芳重修三十四年移設錢塘縣治之瓶窯鎮宣統元年卽其舊址改建勸業

道署新纂

東塘海防同知署 雍正十一年設駐劄海甯雍正通志 乾隆十八年

以前未建署僦居民舍二十年移駐海防道署二十四年杭嘉湖

道仍駐海甯乃改海神廟東道院為東防衙署乾隆志 咸豐末經亂

燬同治間仍僦民舍光緒二年重建新纂

西塘海防同知署 雍正十一年設駐劄海甯雍正通志 乾隆十八年

以前未建署僦居民舍十九年總督喀爾吉善以省垣裁存織造

司庫房屋撥給居住遇伏秋汛期在工所防護三十三年巡撫熊

學鵬奏請於仁和縣翁家埠建署移駐乾隆志 道光三十年添設中

防同知又移駐翁家汛十四堡范家埠建署巡防咸豐末經亂燬

同治間暫於十二堡巡工行館辦公光緒元年即行館添建屋宇

填高基址為署

新纂

中塘海防同知署 在仁和縣清泰門外五十里翁家埠十七堡

道光三十年巡撫吳文鎔以西防同知所轄塘工九千餘丈巡視

難周奏請添設咸豐末經亂燬同治間僦居民舍

新纂

督理水利通判署 在府二門內西北府後堂西北有局糧水利

二通判廳今局糧改理事同知其糧務歸併水利廳

乾隆志

分署通

判廳本在東北塘棲明嘉靖二十五年督撫胡宗憲題請設立主

捕盜雍正初奉裁改建

雍正浙江通志

咸豐末經亂燬同治十二年通判

潘紀恩重建

新纂

府知事署 杭州府知事本兼織染二局舊署即在織局內織局即紅

門局染局即西府

兵亂後二局幸存惟已殘毀府知事借寓花牌樓舊織

造副使寓同治三年織造鶴和修葺二局府知事仍還織局新纂下並

同

府經歷署 在府署儀門內之東

府司獄署 在府署儀門外之東獄宇完全每秋審縣獄人滿寄

監府獄

府照磨署 在府署門內之西並同上

城中稅課大使署 在府治東北二里西文錦坊明洪武初建於

井亭橋三年燬八年移建萬曆志